

四庫全書

集部

欽定四庫全書

華陽集卷三十一

宋 王珪 撰

制詞 口宣

賜張昇為仁宗皇帝上僊遺衣物口宣

有勅卿舊政之臣請藩於外重開邦福慨慕想深茲有
遺頒宜欽而受

賜皇兄保靜軍節度使宗諤告勅口宣

有勅朕圖衛京師進強藩屏矧宗英之載譽宜宸渙之

頒文其體寵甄毋忘被服

賜皇子進封淮陽郡王頊告勅口宣

有勅卿席皇家之慶居上嗣之賢建右輔之名封盼大
廷之渙號僉言惟允茂數其膺賜卿告勅想宜知悉

賜皇長子頊免恩命第一表不允口宣

有勅朕承休聖統建嫡名封推學序之夙勤嘉寢門之
屢問需章忽旣制檢尚留宜畧過冲庸綏公望

賜皇長子頊免恩命第二表不允斷來章口宣

有勅東學旌賢右藩析寄爰覽屢辭之牘尚稽已渙之
文僉以素同往其即受

賜皇長子進封潁王顥免恩命第二表不允斷
來章口宣

有勅朕承天茂序建於大邦庶從師傅之聞且廣本支
之輔雖仍上牘宜視批章

賜皇子進封東陽郡王顥免恩命第一表不允
口宣

有勅朕嘉進嗣賢析封邦爵爰述先王之訓肆揚列辟之聞宜即欽承毋或固避

賜皇子官告口宣

有勅朕崇建宗藩夾輔王室自寵綸之誕布已謙牘之屢陳宜即嘉辰往服休命

賜樞密使文彥博赴闕口宣

有勅國家茂經正本慎倚柄臣適圖邦傑之良進筦神樞之府宜膺迅召且竚來儀

賜樞密使文彥博赴闕茶藥口宣

有勅卿寵在邦國出擁師旄屬秋暑之尚煩涉關程之良勩爰推薄賜式用珍調

賜判河南府文彥博赴闕生料口宣

有勅卿枕塊終喪追鋒應召適及郊圻之次用將老餽之頒眷惟舊臣式是優禮

賜判河南府文彥博制敕并赴闕口宣

有勅卿先朝老成當世才望特申渙命起蒞西都宜即

欽承用體眷賴

賜皇伯東平郡王允弼生日禮物口宣

有勅穌生春瑄德懋宗藩紀慶誕之初期有寵頒之舊式庶膺賢祉以大皇支

賜皇叔華原郡王允良生日禮物口宣

有勅朕廣邦族之仁倚戚藩之輔顧維冬之杪候屬載誕之初辰申命寵頒助迎休祉

賜皇叔襄陽郡王允良生日禮物口宣

有勅卿天支擢秀宗屏流徽屬震夙之令辰寵分頒之
茂式克綏壽祉庸示眷私

賜皇長子潁王頊生日禮物口宣

有敕卿德懋皇支休推上嗣屬恢台之肇候紀震誕之
嘉辰式將列筐之頒用續垂弧之慶勤宣物望永對邦
休今差某官賜卿生日禮物想宜知悉

賜皇長子淮陽郡王頊生日禮物口宣

有敕卿慶發仙源賢鍾上嗣當炎明之正序紀震夙之

休符厥有賜常用均時祉

賜皇子鄂國公頤生日禮物口宣

有敕卿慶發天支寵疏公社甫就寄觚之學載逢吉夢
之期近飲菊之佳辰有承箱之賜式勉躬令問念服殊
休

賜樞密使張昇明堂加恩告敕口宣

有敕卿秉一德之良當萬幾之軸會講文於大事嘗領
使於先期比輯鉅儀盍膺靈施

賜判許州張昇南郊加恩告敕詔書口宣

有敕神疇告虔帥垣在寄斂奉祠之多祉嘉述職之素勤申錫寵章往欽靈施

賜樞密副使吳奎起復詔書口宣

有敕卿執喪去茹痛踰情屬予求治之初正驚急賢之想宜循權制用體睠私

賜張昇免南郊恩命第二表不允斷來章口宣
有敕朕格帝元饗浹民太和矧股肱之倚謀寔夙夜之

欽定四庫全書

相祀適孚靈施薦達撓章雖懷難進之高蓋有莫還之
渙

賜判延州程戡免恩命第一表不允口宣

有敕卿志懷闕達德業粹明方均右府之勞忽起西垂
之顧進班徽省視寵均廷宜俯以承勿勤于讓

賜皇伯東平郡王允弼免恩命第一表不允口

宣

有敕朕履初陽之吉躬大禘之虔肆均神策之休已下

宗藩之制雖需函之亟上諒渙檢之難留

賜皇伯允弼免恩命第二表不允斷來章口宣
有敕卿承天支之華率公族之厚適相成於熙事宜均
錫於靈釐過達撫章宣符公聽

賜宣徽南院使判延州程戡告敕口宣

有敕卿早毗政路出奉藩符載圖邊鎖之勞宜寵齋壇
之拜往膺異數更輯前勲

撫問判河南府文彥博口宣

有敕卿舊德之良久去廊廟往釐西宅忽又歲闌經務
留神固亦勤止

撫問判河南府文彥博為母亡口宣

有敕卿任重政塗寄深留鑰忽邁茹荼之苦實均同體
之情勉抑至哀少紓冲念

雄州府問契丹兩番賀壽聖節人使口宣

有敕春和動籥隣睦飛函夙馳使範之華方會誕辰之
慶有嘉勤節用示撫言

恩州賜大遼皇太后賀正旦人使茶藥口宣

有勅元歷開祥寶隣申好駕軺車而將命馳塞路以為
勞適冒隆冬宜推優錫

都亭驛賜契丹皇帝賀壽聖節人使內中酒果
口宣

有勅卿等夙將君命嗣講隣歡顧寒律之將窮念征車
之未復載蕃之錫庸示吾私

都亭驛賜大遼皇帝賀正旦壽聖節人使宴花

酒果口宣

有勅歲更芳律邦集善祥眷奉聘之有儀已經筵之在館御醪宮藥並寵賓華

都亭驛賜契丹皇帝祭奠人使銀鈔鑼等口宣
有勅卿等夙戒使駢冒征炎陸馳赴隣哀之遽就寧賓驛之初申念途勤爰將賜式

賜樞密使呂公弼加恩告敕口宣

有勅朕承天正之序脩郊見之儀竣祠熙明介福穰簡

爰推惠澤以寵輔臣

賜宰臣韓琦南郊加恩告敕口宣二道

有敕朕習卜歲祥肇興時祀丕布休成之澤首推顯相之勞宜體靈歆即祇渙命

有敕卿肅禪大猷總相元祀裁儀適於鉅典竣事擁於蕃釐肆為龍光首褒衡弼自天有命與國承休

賜使相賈昌朝赴闕生料口宣

有敕卿夙戒使裝載嚴召節適及郊關之次用將牢餼

之頒眷言舊臣式是優禮

賜判許州賈昌朝赴闕茶藥口宣

有勅卿爰趨召節甫次神圻維大旆之遵塗屬晚冬之
屆候宜推珍錫用輔冲綏

賜皇伯祖感德軍節度使承亮改封秦國公免
恩命第一表不允口宣

有敕朕稽求墜文崇建近屬已布治朝之聽有光奕世
之承宜即欽膺毋煩冲避

賜皇伯祖承亮免恩命第二表不允斷來章口
宣

有勅卿地尊皇屬望列英藩適更大國之封益啟舊邦
之宇往祇渥命即斷撫章

賜宰臣曾公亮南郊加恩告敕口宣

有勅朕肇裡吉土還御端闡肅成上儀大渙嘉澤宜先
列辟以寵元功

撫問知青州歐陽修口宣

有勅卿早以時材與聞大政申念從藩之勸載深仄席之思特示撫存用昭眷矚

賜皇弟岐王顥生日禮物口宣二道

有敕卿榮疏王爵愛篤天倫屬慶誕之嘉辰有寵頒之素式特馳近侍往喻隆私

有勅卿望重英藩愛深皇戚紀誕期於良序推寵錫之舊彛其助家祥且旌賢履

賜殿前副指揮使郝質免恩命第一表不允口

宣

有敕卿忠勤之臣職在宿衛肆予慕服亶有厥勞頒綽
在廷所宜欽受

賜郝質免恩命第二表不允斷來章口宣

有敕卿茂建師旄肅提禁卒屬朕纂承之始嘉乃宿衛
之勞若時寵褒毋或固避

賜判河陽富弼免恩命第一表不允口宣

有敕卿當世夙望先帝大臣累辭持柄之勞甫遂便藩

之佚將相之綬不曰寵乎

賜富弼免恩命第二表不允斷來章口宣

有敕卿自撓疾告屢避政幾進膺台鉞之崇往奉藩封之寄始循來請宜斷謙封

欽定四庫全書

華陽集卷三十二

宋 王珪 撰

制詞

口宣

賜樞密使呂公弼免南郊恩命第一表不允口

宣

有敕朕肇禋吉土先薦太宮既逸三神之釐遂孚四海
之澤矧吾近輔可緩褒章

賜呂公弼免南郊恩命第二表不允斷來章口

宣

有敕饗均神釐丕發邦號首推近輔之寵抑有累聖之規母執勞謙以稽成命

賜宰臣曾公亮免南郊恩命第一表不允口宣
有敕朕內心盡慎外力致彊及此嘉成罔不蒙澤承神之惠母或固辭

賜曾公亮免南郊恩命第二表不允斷來章口
宣

有敕朕躬祠泰壇天下蒙祉睠于上宰寵不可稽宜庸而承以渙神惠

賜韓琦免恩命第一表不允口宣

有敕卿丕有賢業贊於聖圖孚號之辰錄勲為冠即膺顯數姑畧冲懷

賜皇弟樂安郡王顥告敕口宣

有敕朕肇纂丕圖徧澤羣位申言同氣之愛難徇終喪之情王爵帥牙勉其祇受

雄州撫問大遼皇帝賀正旦人使口宣

有敕卿等甫屆歲元薦修鄰聘緬念遵塗之永適當陟境之初特示撫存用昭睦遇

恩州賜大遼皇帝賀正旦人使茶藥口宣

有敕卿等具飭使華薦修邦慶屬歲陰之邁盡涉關路之悠長特有寵貽用資冲守

都亭驛賜契丹皇帝賀正旦人使酒果口宣

有敕華車昭隰馳自寶鄰嘉實薦觴班從紫禁恩凝上

館慶集端辰

都亭驛賜契丹皇帝賀正旦人使朝辭酒果口

宣

有敕卿等遠持邦問舉穆賓華遽申重陞之違將戒歸途之御至勤可尚嘉賜是將

都亭驛賜大遼皇帝賀正旦人使銀鈔鑼等口

宣

有敕卿等夙致隣歡協修歲暮遠涉塞塗之勩甫從賓

館之寧特舉賜常以華使範

都亭驛賜大遼兩番賀正旦人使酒果口宣

有敕卿等嗣將鄰好舉穆賓儀初達文石之班將返輶車之駕宜膺嘉惠式展厚懷

班荆館賜大遼皇帝賀正旦人使到關酒果口

宣

有敕卿等遠飭車徒初臨館舍載歷凝嚴之候靡勝行邁之勞嘉果芳醪聊申寵錫

賜大遼兩番賀正旦人使生餼口宣

有敕卿等並飭使華載修鄰睦念乘軺之何遠適授館之云初維餼及牽具將蕃錫

都亭驛賜大遼皇帝賀同天節人使銀鈔鑼等口宣

有敕鄰寶修歡使華將命載念遵途之勩適應授館之榮我有寵頒維其欽受

賜大遼兩番賀同天節人使生餼口宣

有敕卿等夙乘使傳申致鄰國甫寧館舍之居爰舉餼牽之錫即宜欽受庸副寵懷

撫問判大名府韓琦口宣

有敕維中原之吭在大河之北勞上台之夙望守一道之重符適履隆寒無虧冲守

撫問觀文殿學士判太原府呂公弼口宣

有勅卿輟於機務殿彼方隅載惟疆事之厯無爽時休之輔特將勞問庸示顧懷

賜宰臣禮儀使曾公亮已下往西京奉安仁宗
英宗御容回茶藥口宣

有勅卿等出擁使車往安真像甫終盛禮將戒近圻宜
有頒宣用申眷待

撫問修山陵所殿前副都指揮使郝質已下兼
賜湯藥口宣

有勅嘉原應卜將戒遠期衆役猷工實繁素畫爰將殊
禮以勞至勤

賜宰臣禮儀使曾公亮往西京奉安仁宗英宗

御容都城門外酒果口宣

有勅卿肅奉真儀往安梵宇方屬炎歊之候靡勝護從之勞宜有頒宣用申眷待

賜皇伯號國公宗諤告敕口宣

有勅卿出於皇緒列彼近藩適還上鉉之崇已告大廷之衆所宜欽受以體寵懷

賜皇伯宗諤免恩命第一表不允口宣

有勅朕孝治四方恩先九族睦戚藩之近屬還宰鉉之榮章母執過冲即宜欽受

賜親王使相節度使免恩命第一表不允口宣
有勅卿近屬之賢先朝所禮肆纂丕極盍推茂恩宜即
欽承用副崇獎

賜親王使相節度使免恩命第二表不允斷來
章口宣

有勅朕即紹丕圖首褒近屬雖遜函之薦至顧渙命之

難還母或過辭以稽羣聽

賜殿前副都指揮安德軍節度使郝質告敕口

宣

有勅國家茂建帥權肅提禁旅統以周廬之衛賜之茂
燾之行維命是承匪忠不報

賜判許州賈昌朝勅牒口宣

有勅卿舊冠台衡久司留籥間閱露章之請願從易鎮
之行姑徇所懷往綏予寄

賜判大名府賈昌朝告敕口宣

有勅卿象炳星階寄隆邦翰適更符於外閫急宣綍於
明廷欽斯訓辭進圖終烈

賜賈昌朝加恩告勅口宣

有勅朕明發孝思涓成嘉享蕃被靈釐之錫茂思舊政
之均揆旦頒文飭車將命益綏邦倚趣拜王休

賜皇伯虢國公宗諤生日禮物口宣

有勅卿望重宗藩榮聯宰鉉屬恢台之首序紀誕育之

多祥式示寵頒用申禮遇

賜皇伯使相宗樸生日禮物口宣

有勅月旅嘉平日臨上浹載紀生於英威實表德於皇
支爰致恩頒用迎壽祉

賜宰臣韓琦生日禮物口宣六道

有勅卿知覺民生工凝天化秉肇秋之肅氣紀載誕之
嘉辰矧逢日月之熙方極君臣之遇命芝蘭之家彥致
牽醴之朝頒洽爾燕虞體予延矚今差卿男某賜卿生

日禮物想宜知悉

又有勅卿任冠台衡誕逢商序錫元精於嶽極體正氣
於五行發為休功翼我昌會推名門之峻嗣將御府之
華盼助天百祥均國永祚

又有勅歲在涒灘律中夷則鍾四方之正氣稟上相之
元符計成七廟之安勲列百寮之冠載臨誕序式舉賜
儀

又有勅嶽極於天默下神靈之氣帝賚之弼亶如物色

之求屬秋孟之嘉辰紀山陽之吉夢申命趨庭之峻爰
將賜篚之儀庶續茂年永扶休運

又有勅朕攬收羣豪尊遇二府矧予元德之宰厥有大
勲之昭屬素律之氣清載高門之誕慶有幣盈篚有馬
乘閑並將君錫之蕃以助天祥之侈

又有勅顥氣迎商舒靈度朔間生民世之傑休有格天
之庸命嗣雋於秘局出賜常於內府並為殊寵以助嘉
祥

賜宰臣曾公亮生日禮物口宣二道

有勅卿毓德粹文選辰華吉槐庭論道茂翼化元星鳥
占春環臨誕序爰將蕃錫庶續遐齡

又有勅時維仲春日在營室紀天祿之茂節生邦輔之
粹臣定大冊於皇圖炳休功於史載爰將嘉錫益助多
祥

賜起復宰臣富弼赴闕口宣

有勅卿德冠朝倫功熙天載屬內躋之去位終上鉉之

虛司雖嚴詔驛之馳猶固喪廬之慕勉思大義垂應羣
瞻

賜富弼赴闕生料口宣

有勅卿喪廬終服靡奪至情宥府冠謀益旌宿望邁國
哀之未幾聞君召之載馳適稅塗裝爰頒禮餼

賜樞密使富弼赴闕口宣

有勅卿早事先帝時為宗臣懼憂去朝終制復位宜趨
召節以炳台符

賜判相州韓琦赴闕朝見口宣

有勅卿罷制邊衝還膺便寄顧秋炎之未解馳闕路以
多勤特戒使輶以頒召檢

賜判相州韓琦赴闕茶藥口宣

有勅卿適趨召節甫次近郊載惟跋履之勤宜舉匪頒
之式用資冲嗇以示寵懷

撫問判相州韓琦兼賜湯藥口宣

有勅卿內辭宰司出撫鄉郡適及歲陰之莫固多政事

之勤特示撫循以申眷遇

撫問判大名府韓琦兼賜湯藥口宣

有勅卿出擁使旄就更留鑰屬暑威之方熾顧藩事之多勤緬念忠勞特申賧撫

欽定四庫全書

華陽集卷三十三

宋 王珪 撰

制詞制

觀文殿學士王舉正父化基可追封冀國公制
勅朕讀緇衣見鄭武公世職於周國人宜之以其有善
善之功者豈特父子之美耶抑明國家有好賢之風歟
方予徹祠於郊冒天下以福賸維股肱之良世載令德
既加寵於厥躬又用閔冊以追顯其先烈夫豈下詩人

之作邪具官某父某器閎識廣謀合大猷自昔長憲府
與幾政固已熙事功於當時肆爾子以高文遠業輔朕
忠勞而歷職之顯一皆爾舊何其世閱之盛哉鄉予遜
爾以二省之令今茲開府與三公等儀固屬名數之常
履聲何之尚歆予之嘉命可

母宋氏可追封曹國太夫人制

夫古者治國無二道要之大義以礪天下之孝者非親
親之謂歟然聖人善推其所爲以及於衆故愛其親者

則必念人之親矣朕己己日至禮於崇邱歛惟我一祖
二宗之靈以配上帝豈曰能饗實報之盡時吾烈文之
臣固亦休霜露之履不盼閔書奚以慰其永思具官某
母某氏法度雍穆作配名門母儀之賢範于當世猗與
有子列予碩輔慈訓之邈不見其榮再荒全秦大爾封
國重軒累綬永以為渙可

嘉勒斯賚授河西節度使食邑實封制

門下朕膺天寶命纂國鴻圖內則股肱大臣以維社稷

之固外則藩衛羣后以禦封疆之衝矧當眎政之初敢
後疇庸之典誕乎廷渙亶穆師僉具官某氣概沈雄知
懷明果世宅西方之勁心勤內府之輸忠義貫乎神明
威聲懾於區落師牙占勝早專鈇鉞之征盟府書勞舊
載山河之誓肆承先帝之序申需有邦之遐進馭貴之
崇階均班朝之偉望陪之多戶衍以真租並懋寵光以
華夷等於戲勲屏王室固無閭外之虞命契天心適及
景風之候益恢世烈者譽其永更民始者澤非常勉綏

順猷欽服徽數可

嘉勒斯賚依前保順河西節度使加食邑實封

功臣制

門下夫宅天下之尊必飭上神之報篤人子之孝必嚴
先烈之恩朕親執豆籩祇見郊廟乘一氣之復以體天
施之仁合萬靈之休以孚邦渙之號疇膺丕制首旣諸
藩具官某蚤承世封躬履侯度作屏于外自雄夷落之
師迷職于中有虔王府之貢肆若初之撫御尤不失其

順祇適竣祀於園丘宜冊勲於太寢爰益褒功之數用
闕守土之聲斥以爰田陪之真賦併推異等庸答素勞
於戲維皇德澤之均始于近而加于遠維臣忠義之節
善其始者惟其終勤宣令猷永錫蕃祉可

殿前都指揮使許懷德曾祖秉可贈太子太保
制

勅祭者必有惠術以及其下蓋神明薦釐非可專已之
嚮故朕竣祠之始澤漏淵泉眷維將臣褒及三世之廟

者厥惟寵數之隆乎具官某曾祖某履道外坦棲志中
恬有陰施之蓄而載之當時有燕謀之裕而故厥來緒
維孫之傑統予親軍慶緣上帝之禋錫用文人之覽東
儲之傳秩重德尊載琢之章永賁幽隧可

許懷德父均可贈太尉制

勅夫萬物裕於天地而生成之施無以云報者其猶子
之於親歟方予大旅于郊陟配三后而孝德孚于天下
眷吾武烈之臣時亦愴親庭之養不盼閔書奚以慰其

永思具官某父某器節沈雄志懷凌邁詩書輔於戎畧
介馬勤於邊衝生子傑材總兵在衛欽柴終於當時褒
襚加于禰宮登晉三公之崇追榮九京之路慶靈之曾
洵有後哉可

龍圖閣直學士施昌言可樞密直學士知澶州
制

勅某斗樞之庭與籌基命本待名學之選朔河之屏分
据要區益難守臣之寄時有兼寵畀之僉諧具官某學

術優深器懷沈邁治憲臺之錯則端挺之節聞貳財府
之畫則敏強之力奏自參禁橐之從亦更邊閭之符屬
大河弛防連歲為患議者徒徼一時之利而靡虞北道
之困蠹民殊甚曠日靡功茲擇爾長尚煩于使進參密
地之直往涖昆臺之勝弭難恤隱期輯厥庸可

翰林學士呂溱可翰林侍讀學士知徐州制

勅內置學士專與封拜于禁中天子待之至榮近也故
事請外則更以侍從之職雖然文翰之選豈以出處異

邪具官某直道概俗雄文邁倫雍容服於禁途密勿謀
於王體忽饜北門之直願斬便郡之章朕惟華光綴清
武寧風樂固亡書詔之累且開符竹之榮益望美者雖
違爾思慮遠則或寵之畧少安冲尚當體曉懷可

引進副使馬懷德可西上閣門使制

勅井岷之區梁益分鎮寔有成統委之戎鈐匪由材推
孰副朝選具官某器幹茂拔智識通明早陪內使之聯
久寄禦羌之任今茲閱邊吏之瑣見環守之能宜握外

兵可使臨蜀仍權登於上閣俾榮重於西州爾其善撫
軍徒寧輯兩道報勞議最庸有後恩可

西上閣門使馬懷德可四方館使英州刺史制
勅河朔勁兵之萃瓦橋極塞之衝本朝寄之重則匪議
才之易因邊最之申則宜第寵之速具官某資幹而明
氣沈且武掇甲西戡而戰多右于諸將按節北戍而威
重施於絕漠適攬帥章之露且觀基政之成念戎索之
馭權疇方館之秩峻差優使範之陟尚委師干之臨增

樹壯猷往虔休命可

禮賓副使蕭注可禮賓使制

勅某日者南方不虞而蠭集之妖薄至城下爾能資糧海上以濟吾師迨羣蠻之潰摧爾邕守委以邊事之宜而復遣說異域俘厥親孥以慰遠人之憤茲予進爾內使之列爾其益厲前勞思荷予之殊寵可

禮賓副使蕭注可西上閤門副使制

勅某日者遠蠻跳梁至於番禺之下爾奮身海邑而能

募勇力資靡糧以濟庠王師迨羣妖潰離又率龍

闕

長

闕

種以系纍于京師朕方倚以邕亮之符申懋前

勞茲庸命介於上閤毋念還儒冠以忽功名之圖可

國子博士晁仲蔚父宗懋可贈尚書右僕射制

勅朕荷上帝右序夙夜而不敢康乃飭躬齋戒已已拜

貺於郊對越三后禮成休明睠予朝闈之彥外有獻力

之敏亦思所以顯其親者豈不望澤於茲庠具官某父

某道醇德正國之寶臣文章鼓於訓言猷為灼庠事典

昔予命以幾政之貳而緝熙百度汔臻平富之風嗟哉
云亡莫究其用文昌右相師長百寮今而祔之亦惟爾
有子之慶九原雖邈丕顯其承可

虞部員外郎晁仲蔚父宗慤可贈尚書左僕射
制

勅朕惟王者大孝之本莫若虔天地之報然祭不欲其
數也必三歲而躬行之朕前詔有司崇禮嚴配孝奏之
夕神光交錯時惟我在廷之賢夙夜將予於成今竣祠

逆釐需其澤天下維爾先正之烈可追榮之後序具官
某父某天資忠厚九德兼懋履顯臨劇誠發事舒朕方
倚乎幾柄而在職日淺不究遠圖興言及茲悼嗟靡已
其以文昌左相詔位於家匪特旌舊政之德亦幾昭哲
嗣之慶爾尚歆承之可

母王氏可追封懷德郡太夫人制

勅甚矣爲人子之難也羶鄉而薦之非孝也惟國人之
稱曰有子如此茲可謂之孝矣矧夫賢者之後以材爲

郎溫靖有儀不墜先訓肆予祇大事又有相祠之敏夫
豈不揚親慈之懿乎具官某母某氏毓自清門配於高
緒春秋承祀不懈益虔嬪風惠柔孰不宗仰鄉繇夫貴
固已膺象服之寵今令子在廷講予逆釐又追荒于爾
土尚慰安于新邑益佑迺後于休可

翰林學士承旨王拱辰父代恕可贈刑部侍郎
制

勅朕攬成周之頌莫隆天地之祠采盛漢之歌未有祖

宗之事迺郊陟三后以詠功德之休又暇延羣神以合
福瑞之況舉天下以漏其澤思孝子之篤於親具官某
父某行積於躬材屈諸用陰濬當代之施善啟後昆之
祥生子峻賢冠予禁近侍嚴配於裡土興孝思於禰宮
進貳天臺之卿徃詔泉夕之路尚期放惠來顧寵靈可
母李氏可追封延安郡太君制

勅朕執鬯於太室奠玉於崇邱禮鉅而文繁誠交而福
浸睠惟近署之冠參領使儀之聯疇侍祠之勞則盼賦

明勲以大予德施廣錫類之孝則裂封加祿以隆爾親
慈叢厥寵靈貫於幽顯具官某母某氏履高明之行馭
淑惠之風法度宜於有家慶祥侈于厥後維予茂器時
吾名臣肆欽燎之竣祠漏重泉而疏渥載易大邦之服
永孚幽窆之光庸慰時思式旌厚訓可

母趙氏可追封永安郡太君制

勅夫人子之於親也生則欲致其養沒則追榮之何可
已耶方朕欽柴於郊對越三后厥有秉文之臣夙夜在

祀顧不興霜露之怛乎具官某母某氏肅恭賢明四德
純茂奉承祭祀不懈益虔實生令子冠予禁署慈訓之
邈不見其榮載荒大都以厚湯賦閔章加祿庸繹孝思
可

德妃沈氏進封貴妃制

門下朕膺先聖之託臨舊貫之居重恩宮籍之美昔預
宸帷之侍孰旌爾止已流彤管之芳肆命於廷載下紫
芝之渙恩繇近始教式外孚德妃沈氏賦燕婉之儀秉

柔明之德顧乃祖服蚤登鼎鉉之榮逮我真朝居慎掖
廷之選自參嬪側實右王休悵仙蹕之空遐館離房而
永慕有圖書之誠期專蹈於前規無諛謁之私曾畧扞
於內治天與壽康之福衆高賢惠之風宜冠序於四星
益亞儀於中樞茲為異數以獎夙勤於戲化行周南既
厚人倫之本祇事文考猶傳皇訓之存是則寵有以特
隆禮不可它擬往膺徽冊永荷嘉祥可

集賢校理判吏部南曹吳充可太常博士制

勅某國家比羣吏之治視一閏之成故伐著則賞當流
清則陟美以爾器識閎茂文行溫裕高名動於縉紳風
力推於政事歲勞稽狀邦勸孚格進奉常禮樂之議懋
承明篇章之學益慎風檢思揚寵休可

兵部員外郎知滄州田京可工部郎中制

勅具官某迺者大河之北遭罹水患板戶貧困冗散旁
郡朕甚愍焉屢勅所部每加矜恤人情懷土而未聞還
集汝京所守濱海都會襟帶之固兵師所聚而能上體

予懷下究民隱申慰勞來歸占者衆使者條狀願為褒異文昌草議起部要司命汝踐之用為增秩夫計功實與累日月而遷者固有異矣汝念此意撫安吾人可


端明殿學士給事中程戡可叅知政事制

勅朕奉承祖宗大業夙夜祗祗思底於治若夫與籌天下之事則唯予一二股肱之臣今朕所以圖任者非賢峻之材未易茲擇具官某識畧幾深器質端厚擢儀禁路嘉猷稔於辰告總寄邊鎖王靈馳於陸渥向陞秘殿

之侍曾煩井絡之行而城壘繕完區邑綏靜方念勤於
遠撫宜召叅於中弼蔽自朕意孚於羣論意國家治亂
之繫重臣子安榮之分難爾其忠力一心永享休命可

宮苑使韶州團練使蔣偕可降授北作坊使制
勅某向獠蠻狂悖震驚二廣剽掠郡縣殘害士民朕博
求材武徃殄厥寇以爾久禦邊陲必知方畧進以使名
之寵加之團結之命自汝攸徃經涉時月朕晝夜憂勞
遲汝成効而乃獨肆狂妄恣為輕率奏陳無寔動作失

理知護軍總帥有所請論而移書臺省陰為自解汝有
曲直朕當處之求助於人其意安在褫其新命復於舊
官爾其省思體此寬典可



欽定四庫全書

集部

華陽集卷三十四至

詳校官庶吉士_臣李如筠

檢討_臣何思鈞覆勘

謄錄貢生_臣郭

壩

謄錄監生_臣王

穀

謄錄監生_臣陳

祁

欽定四庫全書

華陽集卷三十四

宋 王珪 撰

制詞

工部侍郎劉夔可戶部侍郎致仕制

勅朕觀前代盛王靡不尊德貴齒以崇厚風化之原禮
大夫七十乃致君事有若年未至而請謝者故雖昔賢
之高亡以遠過朕可強留以官職之務哉具官某直節
懿行事朕有年朕之左右侍從之臣惟學士為貴近而

爾嘗更為之況官貳六卿任歷二千石誠不為不顯矣
今抗章引年固有林泉之思朕嘉爾止足之誼優以老
成之禮進秩天臺安娛就養不亦故鄉之寵庠噫朝廷
進退之禮臣子始終之分參見於此也俾爾壽而臧永
享予之休命可

翰林學士知開封府楊察可權三司使制

勅周以司會均邦賦漢以列侯主計書自昔富民之風
維時濟國之用予簡茂器委之劇司具官某材謨邃深

體業端亮意任本朝之治識通當世之幾自延置於近
途誠寢舒於賢韞綢繆禁林之直密勿祕殿之言以至
撫餽井絡之區肅安京兆之衆任煩皆慎譽衆見優宜
浴心畫之良往都財府之長朕念均輸廢則餽邊之助
乏調歛重則空杼之刺興其圖厥中以富吾用若夫制
貢之藝極遷貨之有無大農鹽筴之通九府園瀆之布
著於前史皆汝舊聞推古制宜時廼之績可

故太子少師致仕任布可贈太子太傅制

勅朕惟君臣之際見始終之分故生而忠瘁於朝沒則寵賁其第矧股肱之喪而邦國所悼宜篤大義以隆恩體具官某才器沈裕志識純正以碩德重望屢屬方面之寄以奇謀嘉論嘗參幾府之務適靳辟於時柄遽願還於榮紱荐歷華歲緬懷清風忽聞訃音良用震念眷其台路之舊祿以宮傳之秩營魂有知歆我渥命可

龍圖閣直學士呂公弼可權知開封府制

勅神與之畿畫千里之廣師衆之會表四方之風朕思

擇吏師之良以寄尹正之治疇若予采僉曰汝諧具官
某相閥之英賢路之懿經術輔于政事器業光于邦家
自擢進於近聯亟歷更於煩使將兩河之漕而積兵輶
之儲控三關之符而息亭燧之警宜峻文昌之序還蒞
天邑之區使鋸筦之畫空而桴鼓之宵徹休有治迹紹
于前人可

賈昌朝授依前檢校太師行尚書右僕射保平
軍節度使判大名府兼北京留守司事加食邑

實封制

門下朕寵延哲艾周緝化幾蓋功盛者爵所加任隆則
報亦勉適眷居留之重載惟擇守之難甫稽卜於衆謀
終圖庸於宿望告於列位協以剛辰具官某體貴文明
器函精粹德符君子之守學蹈聖人之歸繇復旦之逢
辰即近途而振業露門勸講經席尊於師臣台府熙工
國事倚于元老荐揚休於中外均注意於安危政穆民
風寢廣京師之福心經邦論幾虛朝夕之咨惟北道之

襟喉主別都之筦籥坐寄拊綏之策舊維總制之雄爰
換節於奧封復加田於真賦茲洽累數以優邇僚於戲
寵冠貂蟬賜專鈇鉞入則儀三事之序出則倡九牧之
風為一時之至榮雖前代之罕遇懋肩忠烈往服王休
可

秘書郎馮京可直集賢院著作郎沈邁可集賢
校理制

勅某等國家闢冊書之府固嘗寵延天下豪英之士以

典校序其中所以廣儒術而養國器也以爾京志識高邁文粹於時以爾遺業履純茂才裕諸用朕項廷較多士爾等藻詞逸瞻咸在異等之選今試劇以還命給扎于禁林而奏篇益麗茲並擢亟太常與游書殿其日思勉楙以稱予獎育之意可

狄青男諮閣門祗候可閣門通事舍人制

勅某乃父有殄寇之効告捷自疆爾躬蒙廷賞之恩加命于室褒功及世曾匪彛章議勞進律寵亦異數是用

擢官內使之二通事上閤之闡匪曰次遷實懋忠力可
閤門祇候夏偉可閤門通事舍人制

勅某夫出宣詔命入陳奏於禁中蓋西省之任前代皆
名流之選也惟爾勲舊之緒雅有儀矩給事左右十年
于茲宜陟禁閤之秩益相治朝之政勉思夔慎以對寵
華可

崇義使閤士良可康州刺史制

勅某古之刺史蓋方伯之寄而其任且重也然今遙領

之命參用武幹非功輯而資茂者未易授焉以爾端銳
介恪事朕有年朕之軒閭近侍之臣甚衆若爾之論事
慷慨而不顧者則幾希其人日者護北陲而復濬塘澮
繕亭障積有歲月之勞茲用錫爾以郡符其益思所以
經遠之畫以寬予憂邊時維爾忠蓋之報可

太祖朝應學究舉陳顥可大理評事致仕制

勅某夫禮高年尊有德此王政之所隆也惟爾顥在藝
祖朝嘗以經明應書而予侍臣師民言爾行義寔高聞

於海濱比令召詣京師而自以癯老固辭朕懷思不忘
今命爾以廷尉平安於里閭仍敕郡縣歲時存過加牢
酒之養爾勉膺予命可

入內侍押班充荆湖南等路安撫副使石全
彬可綿州防禦使制

勅蠻獠逆常寇擾荒服朕臨遣大將出總戎師既及殄
平之期靡遺勤勩之力具官某實有智勇出副綏安遂
隄嶺以陪行蓋興疾而無懈議勞加賞固亦爾從進領

兵禦之防內仍宮省之任尚留撫輯沅康吾民祇對渥命所宜欽勉可

河北都轉運使高良夫可主客郎中益州路轉

運使制

勅某朕惟遠方之吏或不能究宣吾詔比擇使者以澄清所部矧梁益之地絕諸道之劇被予寄者匪易其才具官某器能通敏推于公路而自贊天府之決將漕臺之委能使吏文不苛法歲賦亡留計今正秩郎位之貴

趣駕傳車之寵若信惠孚於殊俗風化美于列郡寬予
西顧時迺之績可

入內內侍省副都知利州觀察使石全彬可宣

政使制

勅夫王者勤於記人之功則輸忠瘁者至樂於徇人之
節則厲名檢者起矧忠侍之列日近華腴懷夙夜之顯
勞推軒轅之異寵朕所難抑人之鮮能具官某氣銳而
知方才敏而應劇載戎馬之前闕參帷扆之近綴朕比

復節宣之適實繫親信之護遂第陟於禁省特加領於
留鎮而抗牘靡回避榮非飾廼謂任國之憂以盡節適
所以報因君之疾以邀賞固不足勸嘉爾冲識邁於輿
聞宜更別使之崇且旌內宰之望終吉之履其楙其承
可

入內侍押班石全彬可封平原郡開國侯加
食邑制

勅具官某國家一陽大報三歲親祠受記於羣靈輶熙

於遠極春惟近從當首茂恩以爾材適於時志果于事
久與軒墀之列方勤省禁之司比展精禋肅侍行在資
拱庖於蚤夜助齋明於禮文躡以美勲之名衍于上田
之賦勉荷予寵益堅乃心可

故保平軍節度使王貽永男西上閣門使道卿
可貴州團練使制

勅朕篤君義之明而懷德靡忘延臣緒之賞而推祿維
厚蓋報形於往究則忠勉於下深具官其本厚和之資

兼幹固之畧飛縷儀於上閣握節次於方州涖公有為
臨寵無悔朕適嗟嫺館之瘁遽撫遺章之陳迹稔勞於
宥廷將續慶於勲胄且詔相朝度既絕內使之聯而分
總戎團蓋參中權之御勉共休命滋飭純誠可

刑部郎中楊紘父億可贈右僕射制

勅具官某父某朕南面而聽孚孝德于天下邈然有思
及人之先維爾子秉德之懿揚于外廷肆予攷邃古祇
事于郊廟又有述職相祀之勤得非教忠之然邪詩不

云乎無德不報朕誠不愛厚爵今有以追寵之慰若于
下泉將使在位者益戴吾賜交懋于廼心亦所以廣忠
孝之路也爾其歆承之可

故王貽永二女縣君王氏等可進封郡君制

勅某氏服以柔風攸於華緒予維右弼之倚有謝昭辰
之悲方錄遺於舊門宜胙封夫名郡益隆梱範以耀綸
章可

皇姪宗望故新婦張氏可追封永嘉郡太夫人

制

勅某朕隆骨肉之恩維寵以厚其存愍以飾其終親親之意備矣爾德儀柔穆歸我公族賦命之嗇芳華遽萎特徹名郡之腴以正小君之號淑嫺未昧詔榮於幽可宗女殿直邢遵貺等妻趙氏可縣君制

勅某毓於公邸歸以德門能修婦道之嚴自表閨風之穆屬予誕慶舉於大宗持推疏邑之封庸獎宜家之範勉修柔懿以荷褒榮可

宗室令襄等新婦劉氏等可縣君制

勅某慶源有稟禮範無違配我宗英藹然婦順屬誕辰
之敷澤閱親邸之騰文宜徹縣田益華屬籍勉循柔履
往荷榮章可

內侍省高班周宏妻林氏可封福昌縣君制

勅某氏本以柔風欲於華緒適緣近屬之託且旌爾室
之宜錫之土田賦以脂澤其服令則以承休恩可

封百官父制

勅具官某父某朕惟人子之義莫若奉親孝事君忠二
端而已方朕大報于郊逆三神之釐凡在九州四海之
衆罔不蒙澤而羣工之賢夙夜廼事思有以逮親者可
不遂其美厚今予命之以寵秩以為爾家庭之慶教忠
之尚益勉於茲可

封百官母制

勅朕惟春秋之義至於母子之相貴者其聖人篤人道
之大邪朕因郊熙成嘉與外廷竣詰之士

武臣即云內
廷忠幹之士

共承茲休以爾具官某母某氏柔明溫惠四教具修有
子實賢逢辰之慶今寵爾以封君亦維爾訓慈厚豈不
顯哉可

封百官妻制

勅朕惟古者風天下之道繇夫婦始以其輔佐之德正
位于內而王化之基乎具官某妻某氏賢而有行宜中
饋之吉方予講大典郊見上帝惟是中外之士莫不獻
力以相予于成豈非梱儀之助哉今予命之以封君其

益思慎淑以保爾有家之慶可

西京作坊使高州刺史王道卿可西上閤門使

制

勅某太微法宮置使二閤以道帝者之命以贊羣辟之儀秩在禁嚴莫非材擇惟爾父嚮秉幾政夙夜宣勞用乂王家肆爾承訓忠孝施於事任亦罔有違令有司登闕朕特置以近職且大爾勲戚之門其敷納左右日思所稱庸服朕之寵命可

故王貽永女婿左藏庫副使夏元昌可文思副
使制

勅某朕思德舊政者報以隆嘉惠旁姻者禮之異眷若
外舅勞於幾廷遽愴遺封之聞冀推渥典之及方督憲
於劇部庸進聯於內朝顧非常恩宜飭異數可

觀文殿大學士兵部尚書晏殊加食邑實封制
勅朕觀成命之頌曰夙夜基命宥密是以知雖昔盛王
猶事天地之為難也曰予冲人祇國大事固亦戒懼而

不敢遑寧乃己已景至郊配陟三后蒙神之貺嘉瑞並
見思與一二舊政之臣共承茲休具官某懷德業之純
濟事功之楙忠論納于帷幄美化道于鈞軸宜風四國
之劇雅意本朝之治漢庭之靜多鄼侯之舊規周邦之
喜得申伯之良翰建茲熙事之舉實有貢職之勤昨邑
衍封魚之真賦尚迪猷訓以祇予之茂寵可

欽定四庫全書

華陽集卷三十五

宋 王珪 撰

制詞制

韓琦授依前同中書門下平章事進封儀國公

加食邑實封制

門下朕按奉高之儀思承上帝之福詠我將之什知配
文王之功諏辰季秋之良盡志孝饗之事應一郊之定
卜躬三歲之宗祈于時陳物采于國中接神明于堂上

璧玉溫潔案盛令芳靈光燭于大庭休氣蒙于重宇疇
相丕祀於顯元臣肆膚拜胙之釐首布告庭之命具官
某命世發德佐王矢謀財萬化于物宜熙百工于帝載
已任沉機之斷力陳遠馭之圖若歲為霖雨可以濟天
下之旱如易占龜筮可以判天下之疑責大而智愈深
事昭而精猶勉乃先庚之詔靡物備而不嚴維自昔之
文或禮闕而不講使朕得裒六天之對歟七廟之靈輯
于昭曠之儀顧匪烈文之輔茲庸錫之名壤建爾上公

寢廣奉田之腴復敦真食之賦汝為汝聽汝勞汝嘉於
戲在福不敢康蓋天有難忱之命于德而弗及蓋民無
常懷之心雖朝廷之甚休益君臣之相勅宜興盛治允
答靈歆可

翰林學士承旨吏部侍郎王拱辰加勲邑制

朕美詩頌之章恭成命以昭天地之報索豫卦之象作
新樂以崇祖考之配乃已已右饗越昧爽肅成百神祇
歡萬寓蒙祉疇相予事思懋爾恩具官某以高文鉅學

冠豪英之第以美德碩望與禁嚴之游以至持肅政之
綱而風采厲于廷右總司會之計而知畧湊于天下自
陪繹于經侍已更寄于閫劇比詔欽柴之下參使容範
之司惟獻禮之靡不詳惟宗器之靡不序亦既有就時
乃之力進以勲府之等益以井賦之奉勉茂而業往欽
台寵可

翰林學士禮部侍郎知制誥楊察加勲邑制

帝者壹華夏之歸所以率三歲而大報聖人尊祖考之

奉奠如合兩儀而並侑朕揆天之正既以嚴躬饗之禮
擁神之祐則必均祇事之臣維予雋德用先寵格具官
某美為國材裕有賢畧北門之直冠文雅于禁中京兆
之治號神明于轂下比詔熙事之舉即委中折之置自
薦鬯終室而備駕徂郊使玉輅安于天衢壺漿勤于王
旅介福之始第勤則多進勲府之茂級加縣田之真賦
勉荷渥典思報榮遇可

翰林學士知制誥曾公亮封廬陵郡開國侯加

食邑制

朕躬執祿圭奏端文之曲夙戒齋輅次欽天之居乃景
至未明大饗于帝而孝思亡極並侑我先翁受百神之
釐首敷衆哲之侍具官某行純而節正色裕而氣嚴入
典禁林之辭出孚邦號之渙久侍華光之席日窮經術
之淵休有德名責諸器蘊屬親大事之報包舉上義之
文奉璋趣前既陪祠位之肅端弁拜俯又助精誠之通
還朝清明班時福順進階所以馭貴疇邑所以修封勉

爾令圖祇我渥命可

翰林侍讀學士禮部侍郎宋祁加勲邑制

朕觀下武之詩曰三后在天王配于京蓋美其能昭前
人之功以大有周也越仲冬景至合祀神祇永惟一祖
二宗休功豐烈之無窮亦用並侑于郊以孚予之孝心
惟福瑞之至則有懷雋德之臣共承其休具官某知覺
斯民材傑于世以文章式二禁之訓以風政于四方之
宣朕適擁神之休以敷澤于天下雖爾在外而與予宣

室之思懋以勲等胙之真賦寵書之渙其肅而承可

工部郎中知制誥王洙可封太原縣開國男加
食邑制

昔我文考翼予丕丕基曰朕祇事郊廟夙夜齋栗懼德
莫承祖宗無疆之休乃景至大旅于帝而咸通羣靈實
維爾顯德之臣相予肆祀以臻此也具官某詞拔之彥
典于秩宗朕惟三王禮樂之備而後世不可階况離五
代之澆器散而文殘前詔有司考律度以新金石之制

茲用昭薦于崇丘而景氣休晏實至蘇之參何其盛哉
伊余美德之事皆爾推學之間禮竣福從進階胙邑益
茂而業以揚邦家之光可

工部侍郎余靖魏瓘加食邑制

朕執鬯于廟奠玉于丘神靈祇歡既交上下之祀德澤
均况靡殊中外之寄有懷邦彥并今時休以爾具官某
資適于世韞強銳之畧以爾具官某學粹于古蹈夷雅
之方並貳文昌之卿交持五筦之節日者蠻荒狂肆嶠

俗震駭維審禹之會民物歟困時則須寬厚之術維桂
雲之交夷落雜處時則賴威懷之孚肆予大事之熙適
有南陬之滯進勲昨邑第福之從予念遠人重申茲訓
可

內侍省內侍左班都知史志聰等加勲邑制

報莫隆於天地故親祠之禮鉅孝莫尊於祖考故並侑
之典嚴朕迎至於吉序接神于泰時精誠之交則福瑞
靡不應熙事之就則澤施所以均維予信臣不可後賞

具官某忠慎而節厲幹肅而材通更事寄固已著邊陲
之勞稽恩勤益有承軒閭之舊廼齋輅夙駕而密扈詔
赴之行及帷宮大次則親督夜鼓之警屬已祀布釐之
浹承進勲衍賦之厚茂服予寵益懷爾恭可

寶壽公主進封順國長公主制

門下朕握元符以建中天之統合茂族以厚萬國之風
矧惟同氣之親鍾在先朝之愛流徽載冊揆吉敷朝寶
壽公主儀度夙成聰明日就衍于皇裔實為邦媛之良

主以上公蚤錫天孫之號奄罹鉅痛適履妙齡追膝下
之素遊發禁中之永慕顧膺聖厯義篤人倫思展愛于
友懷宜躡榮於邦數昨封名壤播德穠華於戲古有賢
女之圖既飭以組紉之事上承文母之訓又勉以蘋藻
之儀爾祉是綏厥休惟永可

皇第二女封寶慶公主制

門下仁篤於親時則底風化之美事師於古衆不以名
分爲私適監近司之陳且族皇女之號靡顓予愛用迪

厥彝皇第二女慶發溫潢秀生紫掖如舒素之秋耀如
穠李之春華未舉公宮之儀已昭賢女之範將輔成於
淑質宜嘉錫於美名加之以綸狄之衣副之以辟邪之
玉雖曰命上公之主不敢擬半楚之封然而秩視真王
禮參正后茲為人子者貴之盡亦有天下者親之隆匪
賜大謨曷穆羣聽於戲皇室多祉嗣膺百世之昌天孫
下遊更洽三宮之慰勉躬柔度進服殊休可

賈昌朝授依前右僕射檢校太師兼侍中充保

平軍節度使許國公加食邑封功臣制

門下朕會三歲之度歷西成之吉始歌德於清廟遂報
功於上穹崇堂鄉明美玉薦信蓋悽愴怵惕之感集則
孝所以興聰明齋肅之志形廼福為之降肆嚴禋之就
緒賸舊政之敏謀誕賦神休茂揚廷號具官某望嚴而
氣裕機遠而慮微材魚文武之英學洞天人之蹟嵩高
之詠早疑生甫之祥渭水之遊忽獲非熊之兆乾端休
靖王度粹夷告二府之元猷宣四方之良績如股肱之

衛予體有金石之載厥聲且祀莫大於躬行禮莫隆於
崇配邊符威重雖不及奉璋之趨祀物精華時則有充
庭之助丕承上下之應參澤中外之勤號尤貴於褒功
邑益大而加食載高斯闕載渥斯章於戲尊親我臨甫
格馨香之治藩獄予屏亟均湯涌之祥益劭忠圖永綏
靈貺可

觀文殿大學士行戶部尚書知許州宋庠可兵
部尚書知河陽制

勅文昌本喉舌之司而總圖之萬務盟津兼關梁之阻
而帶畿之一都維德重者秩益峻政穆者寄愈劇矧謨
者詰之望宜蕃譽命之承具官某夷粹誠于心文明貫
庠道入則統百工之序以熙天之載出則倡九州之牧
以阜民之風朕居懷觀文之訪而寢留潁川之治歲聿
隩閏寵未隆賢疇夏官以進卿眷河雒之更閭左陪西
部之勝中峙三城之雄土樂而俗康訟清而教易方推
良翰之倚猶浣舊鈞之勞履聲如還袞闕云補可

觀文殿學士富弼可宣徽南院使判并州制

勅朕惟古者善取天下若置器其安也然內外之勢其所以維持之策非得人安錯哉今河東一道北有強敵西有勁羌蓋國巨防之地匪擇雄雋之帥何以鎮守之庫具官某行義方正為時之範文章典懿與國之華頃輔政于中不吐剛茹柔有山甫之則自出守於外邦人見愛若召公之化朕有嘉名德之重也茲命爾以台路之列元戎之寄其思所以經遠之術以撫吾邊至若軍

政之惠威兵家之攻守皆爾講聞之舊予何訓焉惟寵名之加則尚體予眷之厚可

文彥博授依前檢校太師同中書門下平章事
潞國公行真定尹充成德軍節度使加食邑實
封制

門下禮舊德所以尊朝廷重外寄所以穆風俗廼眷上
台之輔有勤四國之宣紀在太常欲車服之稱丕烈告
于剛日如風雷之鼓衆聞舉合至公敷為茂命具官某

言該而復貫識至而與幾端毅蹈於大方忱恂懋于衆
行始究舒於賢蘊亟感會於聖期進聯禁路之華登冠
宰廷之務代天之化以遂萬物之宜秉國之鈞以正百
工之度中翼皇圖之楹外藩王室之寧樂於先身安計
道塗之勩篤于言已靡渝金石之堅顧全魏之別都領
三關之要處洪河襟帶于左利兵鸞鶴其行煩邊畫之
是經驚歲陰之屢易茲用徙常山之帥節委西宅之宮
符尹正二郊之民真陪多邑之賦北堂之戀應深孝養

之榮東閣雖開猶抑士林之望姑從素欲并答成勲於
戲寵祿以縻賢人貴孰隆於將相忠義以礪天下報莫
極於君親維抱閔材者志遠圖躬大節者要終德往綏
邦倚永對天休可

李昭亮授依前檢校太傅同中書門下平章事
充昭德軍節度使加食邑實封功臣制

門下朕居總章之右介卜季秋之上辛載度禮神之筵
益修嚴父之事去並侑蓋夫懼連袞之瀆專美報所以

畧從股之文顧廣禮之涓成導鴻休之來假廼睦親賢
之輔夙陪齋祀之勤宜告朝倫用孚神錫具官某器懷
閔達風識沈雄出山西之將家為太任之后族蟬聯系
世之舊感慨四方之行固嘗施露甲之勞輯寒旗之畧
中提禁旅之衛而夕警嚴於勾陳北笏留都之符而天
聲懔於大漠既踐齋壇之貴旋登台袞之華勲幾上於
太常職用祇於珍館清都留侍祕幄來謀肆予大事之
竣首以慶條之舉褒功庸於美號衍封食於上腴以懋

爾恩以旌爾德於戲世有不烈已同帶礪之盟時維壯猷又錫山川之履往肩乃服益厲厥修可

給事中參知政事程戡可戶部侍郎樞密副使

制

朕承祖宗丕命託兆人之上而永惟置器之難建文武二柄總天下之幾而畀以同德之輔蓋治美則君道尊任隆則賢業著今雖更職而處莫匪授能之公具官某秉德忱明執心夷雅中則儀臺觀之望出則穆翰垣之

風竄聞嘉猷寢楹王體自與毗於大政維永肩於一誠
適緣近黨之嫌顧非邇謀之便雖忠力協相以濟乃懇
言縷載以陳是用易領樞庭之務加進地官之秩噫君
臣之知朕靡有間廟堂之論爾不以私毋廢納忠之勤
有嘉慮徵之識欽服徽命往經永圖可

河北都運使李參可諫議大夫江淮等路都大
發運使高良夫可司勳郎中制

勅邊方控朔蓋天下之要西峙兵師之雄神都即汴則

邦中之費南幹山澤之賦朕閱幹臣於最籍將使節于
外臺蓋委重則必傳之寵賞先則思責于辨具官李參
風強而銳有世資之逢具官高良夫器敏而沈無吏文
之害並楸首職之裕薦更使煩之勞或提封百城以經
于大河之北或運策千里以制于長淮之東隄繇未平
民力甚敝維爾參主澤之是宣邦計或遺歲漕不登維
爾良夫心畫之是濟茲命列諫聯於右署進郎秩於中
省率蹈台訓以承于休可

真宗皇帝乳母故秦國肅明賢順夫人劉氏可
追封齊魯國肅明賢順夫人制

勅朕惟孝子念親之無窮因思先朝保母之尊至于勤
劬今寵名之未稱朕用惻然某氏本慈和之風有推就
之力早儀禁掖之望歟先朝露之零固已按圖而徹名
封崇號以旌美德然奉先興孝迹舊報勞更衍二國之
腴庸煥九原之夕柔魂雖閟卹典維新可

皇帝乳母故魏國肅成賢穆夫人許氏可追封

吳越國肅成賢穆夫人制

勅夫德之必報者古訓之上往而加卹者朝典之隆非
旌擁傳之慈靡極寵休之遇故夫人許氏履柔明之行
流端靖之風推就保于眇躬箴圖儀于內掖奄嗟淑範
早閟幽局雖啟鉅邦之封兼崇美德之號朕惟鞠右之
功大臨纂之慶長更徹二國之疆加飭小君之祿懷恩
惟舊疊煥非倫可

皇帝乳母韓國賢和佑聖夫人林氏可進封秦

晉國永壽佑聖夫人制

勅朕昔在幼冲惟夫人左右保阿肆予之主大器厥功
茂焉朕惟夫人名數之未稱茲用合二國之封崇永壽
之號以褒大爾傳母之慈其享德樂康以膺予之異寵
可

故廣南東路鈐轄蔣偕可贈武信軍觀察留後
制

勅自古英偉之士死而寂寥者衆矣惟忠義之節雖沒

而不朽況離金革之禍哉具官某勁特之氣毅然許國
蠻方不憚俾爾南戡受命之日晝夜兼行盛夏瘴熱冒
履山險轉聞之際遭罹非命朕之不能綏格遠夷使爾
捐驅萬里之外終夜哀悼予心曷已其以兩使之襁寵
于幽窆英魂如生欽此追飾可

故荆湖北路駐泊都監孫節可贈忠武軍節度
觀察留後制

勅具官某夫受命志身奮力犯難殞于兵間勇以立節

者固可錄也致果殺敵冠軍為鋒雖死王事因而成功者尤足褒也不有旌飾孰明忠義具官孫節氣稟剛烈雄能戰鬪將荆禁之旅征南之軍掩擊羣蠻首先行陳踰崑崙而西鑾歸仁之下斬獲過當寇遂以奔刺伐不休傷夷而歿全師賴之進而克捷總師具聞用加祭誄舉兩使之留印責九京之英魂是惟報勲尚必欽服可故入內侍省都知張惟吉可贈昭信軍節度觀察留後制

勅左右近侍之臣生而親倚之沒也念哀其勤勞盖有以加祿者豈常典邪且官某動則忠懇言而端慎自總內宰之治迨魚衆職之領氣和而益冲材敏而畢給方厚予信歎嗟云亡宜寵留鎮之章往詔京阡之夕尚懷謙靜來顧恩華可

故侍衛親軍馬軍副都指揮使周美可贈忠武軍節度使制

勅國有利器屬之虎臣眷茲宿衛之勤遭罹徂謝之變

特優愍祿用渥終恩具官某勇具有謀忠而致果早擢
顏行之表遂膺軍帥之選頃者羌獷弗懌鄙堡西聳資
爾戍戰屢上功多命典禁兵入陪拱扈方期強飯之適
遽有殲良之戚悼爪牙之若奪聽鼓輦而增思贈以陪
京之節旄加乎書賙之章綬錫茲備物允極哀榮靈尚
知之享此追歸可

贈昭信軍節度觀察留後張惟吉可贈保順軍
節度使制

勅夫生而盡忠于公者時所謂賢沒而疊恩于第者禮
不為過其有厯左右之侍釐夙夜之勞加惠其亡庸申
予悼具官某性質和厚材質幹明周旋四紀之餘始終
一節之守自矜捐舍已促琢章有懷忠言之如聞猶慮
寵數之未稱追用將旄之拜尚榮原夢之游華渚非倫
營鬼是享可

翰林學士知制誥知審刑院胡宿可兼侍讀學
士制

勅朕退大昕之朝思究當世治亂之要以遠覽于古闢
邇英之闡務延近侍鴻博之流以參劇庫中況雅與禁
林之遊茲陪經席之綴朝遇甚厚時材亦艱具官某氣
溫而論閎履粹而猷邁以敏畧稔于外劇以名學隆乎
近咨揚孚號之隆若風雷之鼓羣動持官人之法如權
衡之析衆銖適更審於中刑尚協欽於庶獄宜兼學士
之組進讀金華之書朕方思懷正人崇鄉往籍維關今
之失得迨輔予之聰明無伏嘉言益敦舊業可

宋庠授依前檢校太尉同中書門下平章事充
河陽三城節度使莒國公加食邑實封功臣制
門下蓋聞在天之象主布政於大辰在國之陽有通神
之虛府日者考諸儒之儀傳六經之文鑑軒皇拜帝之
圖舉姬周陟文之典敢曰能饗又茲歷年粵季秋之嘉
辰會五氣之精德師象山則之固孝奏天儀之光慶靡
專承法繇近始具官某材經物表知覺民宗冠天下之
倫魁責賢人之器蘊文章載道該古今治亂之原醇粹

發衷有東南溫厚之氣謀一王之治體秉二府之神機
屬奉堂筵之裡適寄閫符之劇維登歌之奏既聽歆安
之章維贊享之辭既授泰元之策嘉方貢之備物輯靈
釐之昭庭載稽功令之書更錫輔臣之號拓素荒之奉
邑衍常入之真租咨合至公渙為丕命於戲天之格祀
固多右善之祥朝之祿賢亦先發爵之事蓋禮綍則澤
鉅德隆則報豐益敷令猷以答鴻施可

欽定四庫全書

華陽集卷三十六

宋 王珪 撰

制詞制

文彥博授依前檢校太師尚書左僕射同中書

門下平章事成德軍節度使判太原府制

門下眷大河之東領太原之道西折畔羗之侮左制疆
敵之衝每析寄於閫符必圖良於邦翰適疇廊廟之舊
往殿股肱之區命告剛辰譽孚羣聽具官某氣嚴而中

裕道粹而外融達古今治亂之原洞文武弛張之略自振藻於昌會亟揚聲於邇塗參凝九德之悅進履大僚之服居則幹天元化靡萬類之弗熙出則道國寬條罔幽情之不達兩踐中階之冠比均留籥之司勤勞邦事之圖荏苒歲陰之隅按常山而徙節即揆路以陞朕雖懷仄席之思終賴撫邊之寄矧叔虞之舊壤有全晉之遺風道俯松阡應待齊旄之駐朝期竹馬或先懸弩之驅茲茂常恩亦華素志於戲槐庭贊道既高儒者之榮

玉帳論兵又極元戎之貴惟忠蓋可以圖永非威惠不足服人矧屬老成詎煩深訓可

河北路安撫使宋守約可引進副使知恩州制
勅內朝典客之引蓋表於禁聯北道鈴兵之雄莫隆於
閩寄以爾蘊幹明之具濟沈銳之資續將略於舊門介
使華於上閤朕以睦隣休衆夾河置屯控於被塞之衝
委以撫師之要軍籌有裕亭燧無虞會擇甘陵之麾載
加丹陛之綬夫威中則能一衆慮遠則能制姦往佩榮

章勉祇厚訓可

天章閣待制知潭州劉元喻知桂州制

勅朕顧憐遠方之民或吏不能究宣主澤而離困者多
故每擇郡守非材良而治循者未易命之具官某知裕
於幹資勁而明當憲簡之責而亡廢言貳計庭之畫而
有餘費向由內閣之秘往蒞湘川之澳歲登而俗阜訟
清而教輯適眷嶺符之缺載飭使輜之行按秩職之互
遷視歲月之未幾朕居延近侍之渥且寄遐陬之深庸

正序於郎臺亟班風於越服往祇吾詔終念爾勞可

樞密副使孫沔可資政殿學士知杭州制

勅休機筦之勤既遂於賢者參宸宇之秘宜簡於傑才
矧惟冲約之懷夙明逡巡之節允喜洵直申集寵光具
官某性植公忠識濟宏遠發揚普訓見之謀猷踐歷疏
通休有功業自昔諫諍之任漕帥之臨弗已於行所至
皆治龍荒倣擾瑞節徂征逮爵策勲之辰運籌決勝之
効登貳樞柄內本國兵而常處議精明持論堅正貫以

今古言在又從方倚老成益隆寄任廼上綬屢請引疾
為辭至於再三斯見誠慤爰均勞逸俾適煩劬眷內閣
之嚴廷允述古而開館先朝建職以待峻龐優加儒學
之名式壯藩垣之鎮控帶吳會密邇鄉枌匪直莊朱之
榮實兼方召之事東南莫重咨爾殿焉可

天章閣待制知江寧軍府事劉湜知廣州制

勅盛唐五筦之雄南越一都之會地饒而風樂夷雜而
貨蕃朕思擇侍從之良以穆藩宣之寄班我寬詔惠於

遐方某識敏而幾氣專而介與列憲府風論抗於朝綱
參幹國計經畫資於邦利入從禁塗之索出分江域之
麾而治有美聲簡在冲顧嚮蠻妖之震嶺因兵役之罷
民載刻之符往靖吾圉峻郎資於華省寵使範於朱輜
綏遠固封祇予重委可

丁憂人邵亢亡母劉氏可追封孝感縣太君制
勅某母某氏夫治朝之臣得推恩於其先者然匪予發
大號於天下則莫繇焉今爾子願上一秩欲追榮於母

阡朕惟允儒館之彥遘家難凶夫豈拘以常文哉其澤
孝感以封之時惟爾有子之慶可

俞氏母追封趙郡太君朱氏母追封洛陽縣太

君制

勅女德之賢參列後宮之職母慈之念永惟昊天之恩
露言甫聞加恤庸厚某母某氏生本茂族嬪於令門日
親圖史之言時潔蒸嘗之奉賦命不淑早嗟春露之濡
刻章之榮再啟腴田之廣慰深近掖寵極幽局可

李璋依前殿前副都指揮使武康軍節度使加
食邑實封功臣制

門下夫物莫不本於天人莫不嚴於父朕靡牲玉之愛
極所以反始之祈感霜露之臨怵所以奉先之饗於是
稽祥符之肇志酌皇祐之濶文載蠲路寢之居以放合
宮之位音和而羣物至孝奏而上靈通翕受天符發為
邦渙具官某性質沈毅材謀肅良洞於三畧之微隱然
萬夫之禦蹈世忠於舊閥懋邦器於遠途朕富有中區

靡逮親顏之侍恩流外戚莫隆舅族之賢固已仗帥鉞
於殿除襲侯章於茅社會講大事倚綏勁臣自齋居紫
圖肅陳千列之衛廼順祇清廟安護六飛之嚴適拜胙
於裡庭首議勞於盟府功以號進勲如賦加式推神惠
之蕃並為師服之寵於戲保富貴之匪易而要德之所
以終期功名之匪難而要時之不可失往率至訓益思
令圖可

除李璋殿前都指揮使武康軍節度使制

羽林神兵北環天衛之象黃帝李法中嚴邦律之師國
家宅武節於四遐提禁屯於千列進總凝嚴之護厯圖
勁傑之資稽衆得人告廷孚命具官李璋氣沈而果事
性裕而知方厲許國之單忠達治兵之善志緒服高華
之望名推親信之良朕念長樂之慈愴不及養顧渭陽
之族聞蓋多賢自擢領於戎昭已積遷於留寄屬嚴除
之缺帥宜齎鉞之命才六纛啟途既襲重侯之貴萬兵
留帳方資緩帶之安雖其素勞不曰異寵於戲執干戈

則有社稷之衛常慎於假人聽鼓鼙則有將帥之思實
深於注意維蹈忠義者急於報主蓋喜功名者要之逢
時勉規壯圖尚率明訓可

李璋授依前武成軍節度使加勲食邑制

門下朕肇禋陽郊先事世室禮行而孝慈服誠至而福
瑞熙參繹內外之勞合乎上下之施疇先列位我有勁
臣具官某性稟沈雄材資敏濟蹈世忠之一節明軍志
之大方況西京之外家實先帝之內弟千廬列衛入提

禁旅之巡十乘啟行出總藩旄之寄輯敷士訓蠲弭民
苛屬講宗族之文首虔方貢之職肆靈娛之昭聽按獎
典以均休陪以列戶之封錫之茂勲之等茲為異數以
格前彛於戲有命自天甫渙風霆之號乃心爾位尚綏
車服之榮不顯其承維真無斁可

吏部尚書陳執中姊陳氏可封安康郡太君制
勅朕以吉已景至陟后在天而孝德孚於寓內時予股
肱元老承邦之釐思及其近親庸勿遂其美序具官某

姊某氏德儀粹恭慶壽遐茂服勤蘋藻之事作鑒圖史之迹維爾介弟侍祠熙成願還中壺之澤推廣同氣之愛望郡之沐以侈封君綸闈下書光賁爾族可

前鄉貢進士鄭獬可將作監丞通判陳州制

勅某朕惟欲治之主固嘗寤寐天下之賢豪而難於得人士之抱魁壘之材思欲佐時發蘊而難於逢辰爾等文藝之贍預拔有司迨朕親較於庭而才詞丰華先多士之選今始一命丞工監屬瀾卿而平贊藩郡之政爾

其念時之不易得而名之不可恃毋或少懈以惰予至訓可

梁適授忠武軍節度使知河陽加食邑實封制門下魏相守成嘗輯漢庭之治召公分政亦經周室之寧朕旁求峻賢圖翊幾務居以儀刑於百辟出則藩宣於四方蓋君臣之道篤則羣枉銷內外之體均則衆功就眷經邦之舊望適更聞於近封亶穆僉謀肆揚休命具官某量閎而履正資裕而罷周紹家閥之文章鼓王

朝之號令頃疇碩譽茂服邇僚旋參論於政塗遂登庸
於宰席丹青神化之麗金玉侯度之堅自守持於邊符
寢遷回於歲籥撫秦川之亭障以懷弗諛之心臨大鹵
之山河以厭未形之難忽露章而馳悃靳易寄以就冲
朕顧德機衡之臣憫勞疆場之事進許昌之使節頒踐
土之寬條賦益真封視加崇秩恩踰常數禮厚殊勲於
戲名器國之至公忠義臣之大節維知所遇者極其報
識其遠者圖其終往廸至懷益茂前烈可

樞密直學士知潭州孫沔祕書監知桂州余靖
可並給事中制

勅誅叛除亂盖有上功經事用勞亦所蒙賞具官某智
氣宏遠識畧通明具官某機策精深才資峻茂自蠢蠻
之背誕擾南服以陸梁故起靖於哀疚之中墨哀以行
委之綏討輟沔於西北之守封傳而往任以經籌屬諸
將屢責元帥專伐共推贊畫之效適會殄平之期夫報
德酬言義無不錄捷聞予聽嘉及廼勤並即檀車之間

對寵瑣闡之拜永言褒錫茲用勸明噫兵寇之餘民力凋弊勞來安輯仍寄爾為可

右正言知制誥蔡襄可起居舍人制

勅朕覽西京詔書見其文章近雅有三代之風朕甚嘉焉固嘗延寵鴻文碩學之士會於西省庶幾作予訓命以臻此也具官某潔白勁正富以經術頃嘗歷選於衆置之諫諍之地而訪對之間言靡不形忠而色靡不見義向黽俛在外八年於茲而有司未嘗為言官當遷者

是豈為材者之勸邪茲予命爾以左右史惟爾職在綸
闈蓋亦望清而資美其茂思副朕所以待之之意今之
復古豈難能哉可

國子監直講胡瑗可太子中允天章閣侍講制
勅前代稱治之世舍文章禮樂之作則何觀焉朕方游
精太平思與儒賢以講劇道藝於禁中雖爾少而學古
白首不懈其行義純正言論淵博蓋嘗攬於近臣之章
茲命爾通朝閤侍經幄其稽聖人之言切於當世治亂

之監者日極陳之夫遠弃諛邪親禮端艾朕靡有意虐
可

三司使禮部侍郎田況祖行周可贈工部員外
郎制

勅朕承神之尊以反物始之報廼已已景至帝臨中壇
神靈冥娛光照紫幄對越三后孝心永孚亦惟爾一二
侍從之臣相祠在下而霜露之恒可不慰爾之思今加
祔二廟厥惟寵數之隆具官某祖某風德修潔行義冲

固懷材弗耀載世而昌孝孫維賢筦我邦計夫道隆者
其爵重積厚者其澤深文昌起司賁以優秩九原雖邈
不顯其承可

祖母王氏可追封太原郡太君制

勅朕惟泰元至尊所以本萬物之命無以稱其德故三
歲一祀以嚴大報之意朕奉承丕業躬執瑄幣以交天
神之和豈非左右峻髦之臣秉德以陪朕茲用底於休
成令予大賚於多方惟爾祖配之重庸勿寵褒乎具官

其祖母王氏柔明惠和四德兼樹肅承先祭法度具修
慶流根本有孫而顯宜荒郡壤以賁封君幽宥有聞歆
茲靈渙可

父延昭可贈右神武軍將軍制

勅朕荷上帝右序戒懼而不敢康乃吉已飭躬齋明親
見太時欽惟三后之德對越在天孝思感孚髣髴如接
肆予畢饗人神祇歡溥天亡垠胥蒙祉福矧吾左右侍
臣之良持國大計肅雍顯相而有夙夜之勤夫豈不懷

先正之烈乎具官某父某器資沈銳挺然許國遭時右
文老於環衛慶祥回復實在哲嗣夫急人之賢者則必
推其世欲生之榮者則必澤其亡進率六軍以華有列
下泉雖閔寵數其膺可

三司使田況妻富氏翰林學士承旨王拱辰妻
薛氏並追封樂安郡君制

勅朕以歲卜習祥天元錯事粢盛蠲吉辟玉華光擁神
之釐既已寵侍從之雋攷典之舊則又旌室家之賢以

爾具官某妻某氏法度雍和言容靚順實生貴緒而佩
結襦之勤廼儀名門而飭采蘋之奉鄉從禁路之陟已
侈郡田之封越熙裡壇載烈腴壤思懋爾止合孚於休
可

樞密副使王堯臣祖礪可贈太師制

勅朕以天元穀旦有事於郊尊祖嚴父以配上帝躬繹
孝思不顯惟烈眷予左右秉德之臣夙夜在祀豈不有
霜露之感乎具官某祖某識隣於幾才裕於劇與文蹈

於聖域碩望端於朝倫賢生乃孫祇輔台德方丕續於
機務屬熙成於裡典策以師垣之竣禪之公衮之華其
趣篆章以渙幽窅可

父瀆可贈太子太師制

勅夫為人子者莫不欲顯其親於時今夫從容廟堂之
上而與籌天下者是豈不足昭前人之光邪朕因郊饗
親又加賁其私廟則忠孝之寵宜以交勉於廟廷之臣
具官某父某蓄德純明稟識閎厚有英佐之畧而僅止

外廷之祿有美利之澤而不及萬物之施慶靈回復似
續世昌有子忠賢在朕左右相維紫營之祀漏及重泉
之渥儲師之黻寵冠近班音徽遐假歆此嘉數可

母仇氏可追封南陽郡太夫人制

勅朕讀蓼莪之詩有昊天罔極之報者其人子念親之
至者歟若夫累茵列鼎享王爵之貴而親不及養者非
登柄受寵因郊塲慶則何以慰其孝心哉具官某母某
氏柔明懿恭四德畢懋奉尊法度格於有家慶祥之叢

遂侈厥後惟克臣秉朕機務而忠規密謨日緝熙於朝廷肆予大賚於天下惟爾教子之賢可不厚褒乎象服雕軒載裂名壤納書於祔永以為渙可

樞密副使王堯臣親姑王氏可封壽安縣太君
制

勅朕廼者大報於郊遭天地施集丕福亦維爾烈文辟公顯相予成朕布大慶於天下若爾私門之渙豈茲後序某氏生於名緒婉有儀德爾夫刻志辭業命不時偶

迺兄弟之子實筦予之幾政今願還壺中之澤以君爾
大邑蓋寵足以華族而孝足以厚親朕可拒乎其綏爾
壽康以對予之嘉命可

前宰相龐籍祖贈太師文進可特追封榮國公
制

勅祭者必有惠術以及其下蓋神明薦釐非可專已之
饗故朕竣祠於郊澤漏淵泉眷維舊政之良率義至祖
而申閔綏之冊者不曰寵數之隆乎具官某祖某履道

外坦棲志中恬有陰施之滴而載之當時有燕裕之謀
而啟厥來緒孝孫維德嘗冠台衡慶緣上帝之禋錫用
文人之榮榮國之履胙以公主載琢之璋永賁幽穉可
祖母陳氏特追封秦國太夫人制

勅朕饗成於郊澤究於下眷言宰路之舊永惟親廟之
奉蓋本天而事地則神道通因祖而及配則人倫順更
飭閔典以隆先慈具官某祖母某氏幽閒有儀惠淑本
性姻教經於二物嬪風茂於六嫔叢然隤祥載葉而熾

講吉土之嚴配漏重泉之渥恩脂田易封秦疆為大重
軒累禘寵於幽局可

父贈太師令格可特追封徐國公制

勅朕惟三代禮樂之制邈乎不可及已然國家休寧天
地右序祖功宗德爛然更新非夫闡郊廟之歌以揚休
於無窮則何以美民耳目於天下哉朕前勅有司考正
大典孝奏之夕神光交錯亦惟我內外輔賢協共同德
胥暨將予於成今逆神釐既首敷於有位加用閔冊以

褒爾先正之官具官某父某識厚器宏舊有令聞材屈
諸用仕僅止於庠秩慶流厥後譽遂侈於子舍惟籍寅
亮一德作予股肱今保釐東藩而廼心不忘在王室是
非保先訓之篤哉茲庸上公爵土祿爾於九京之路冥
漠奚之尚歆予之嘉命可

母邢氏可特追封齊國太夫人制

勅朕惟人子事親之難也羶薌而薦之非孝也惟國人
之稱曰有子如此茲可謂之孝歟今夫老成人夙懋乃

德固嘗坐廟堂之上從容嘉論以經綸四海之治者豈特國人之稱哉非因郊休成以厚顯親之典曷以慰其永思具官某母某氏賢明靖恭君子之配春秋承祀不懈益虔嬪風穆如孰不嗟尚古者有象服之飾自禴翟而下其制蓋尊朕既已追榮之今予均邦之釐又䟽命爾國則莫如齊大爾尚嘉慰於新邑其亦右乃後永孚於休可

韓琦祖母李氏可追封安平郡太夫人制

勅朕遭天地況施懼德之弗承廼吉已親執珪幣大報
於郊神人祇歡百嘉順嚮睠吾碩輔本兵於邊曾是貢
職之勤將予肆祀今其漏澤於天下盍先私廟之恤哉
具官某祖母某氏教自公宮儀於清閨春秋承祀不懈
益虔惠問川流慶貺於後有孫賢令忠勞王家適蠲禮
成加祫名壤雕軒翟茀賁於幽局可

母羅氏可追封文安郡太夫人母胡氏可追封

河東郡太夫人制

勅朕惟王者大孝之本莫若虔天地之奉然祭不欲數
故三歲而躬行之以明得禮之中廼景至之吉肆禋於
郊璧玉華光竽瑟鼈鬯靈游來下虞樂紫壇百嘉穰穰
靡不順嚮眷維同德之臣賦政於外方予升配三后雖
不得與於邊俎豈不興念親之感乎具官某母某氏法
度雍柔稟有賢德善祥之福哲嗣其興曩以琦珍參秉
機務加爾以小君之祲今竣漏澤相攸於蒲益大湯賦
之封九泉雖幽固亦歆朝寵之厚其不顯與可

妻崔氏可進封樂安郡夫人制

勅朕執鬯於清廟奠玉於崇丘思廣禋燔之釐均優將
鉞之輔外以錫命書之贊以敷於明廷內則易望郡之
腴以褒爾令室萃為蕃數交渙高門具官某妻某氏本
德閥之英啟賢緒之範日鑒女圖之訓時承宗饒之寅
眷茲蕃政之良繫廼相儀之助比從大用已即敦封適
涓熙事之成更侈小君之號脂田裂於名壤翟茀朝於
內廷綸章之華思茂爾止可

樞密副使給事中王堯臣可戶部侍郎參知政

事制

勅中階之燮元化鴻樞之幹萬兵雖股肱之勢均然帷
幄之體異匪圖峻德疇易近司以爾具官某藝文醇深
器識高正早推賢級之冠遂服禁途之游訓辭壑於帝
謨心計羨於邦賦望久而逾美德劭而益冲鄉延宥密
之庭居重安危之倚而廟筭多勝邊烽靡驚庸進秩於
地官尚同枋於宰路況智畧可以斷國論經術可以緯

皇猷往圖厥庸以底於治可

三司使禮部侍郎田况可樞密副使制

天文三階中躔紫極之府國事二柄右列鴻樞之司維
君臣之謨明有夙夜之基命朕當登進時傑贊襄大猷
以導萬微之中以合九德之會匪至公之進曷羣聽之
歸具官某器懷閎深業履端厚材適國家表裏之體學
貫天人精稔之交而自高賢冊於大廷儀峻遊於清路
西垣名命之粹內閣論思之勤擁帥節於邊而天聲懔

於殊俗筦財柄於內而國用豐於歷年茲庸倚爾忠力
之良置諸宥弼之地熙我大業垂之亡窮噫本天下之
兵莫重安危之寄在右常之陟有若臣隣之榮蓋德懋
者寵所隆任大者責亦至勉思盡瘁永克承休可